

trinitas

1 Verlos

Baie welkom by Trinitas!

*Ons sien onself as 'n verlose familie van diensknegte wat gestuur is.
Ontdek saam met ons wat dit vir jou en Vanderbijlpark beteken!*

SONDAG, 22 JANUARIE 2017

OGGEND 09:00

Welkom aan Peter Venter wat die oggenddiens lei.

God gebruik gebroke mense ongeag ons tekortkominge

Skriflesing: Matteus 12:9-21

Ons skiet ver tekort in dit wat God van ons verwag. Ongeag hierdie tekortkominge wil God ons egter gebruik. Hy gebruik 'n buitengewone persoon op 'n buitengewone tyd om sy wil te laat seëvier.

- God gebruik ons ondanks ons gebrokenheid

Elkeen van ons word deur God gebruik ondanks dit wat ons as ons swakhede sien. Selfs al probeer ons wegkruip, word ons steeds gebruik.

- God gebruik ons binne ons eie omstandighede

Niks is toeval vir 'n gelowige nie, daarom mag ons nie verskonings soek om diensbaar te wees in God se koninkryk nie. Ondanks hoe ons lewens verloop wil God ons gebruik.

- Christus kom weer om ons gebrokenheid reg te maak

Ons gebrokenheid is net tydelik en daarom kan ons as verlose gelowiges met opwinding uitsien na die tyd wanneer Christus kom om alle gebrokenheid weg te neem.

AAND 18:00

Geen Aandbyeenkoms

PROGRAM VIR DIE WEEK

Vandag

Diakonievergadering 16:00

Dinsdag, 24 Januarie

Bybelstudie 18:30
(Stinkhoutsingel 18)


Bybelstudie 19:00

Woensdag, 25 Januarie

Bybelstudie 09:15

SONDAGAANDE: 1STE KWARTAAL

Datum	Geleentheid
22 Jan.	Geen
29 Jan.	Toerustingsgeleentheid
5 Feb.	Aandbyeenkoms
12 Feb.	FOKUSTyd Bybelstudie
19 Feb.	FOKUSTyd Bybelstudie
26 Feb.	Nagmaal (19:00)
5 Mrt.	Aandbyeenkoms
12 Mrt.	Aandbyeenkoms
19 Mrt.	Geen
26 Mrt.	Aandbyeenkoms



'n **VERLOSTE** familie diensknegte wat gestuur is.

2 Familie

LIEF EN LEED

Dink in jou gebede aan hierdie lidmate:

- Ons bid steeds vir Lottie (Tannie Catharina ☎0823350100 se dogter) wat steeds swaar het na haar brein-operasie.
- Ben du Plessis ☎0825057039 het die afgelope week vir mediese ondersoek gegaan.
- Gerrit van Wyk ☎0823328550 sukkel tans met hartversaking.
- Ds. Henk van Bommel ☎0766828286gaan eers Woensdag vir 'n klein prosedure in die hospitaal.
- Ita Schrap ☎0768879456 is die afgelope Donderdag in Emf. Medi-Clinic intensief opgeneem met hartprobleme.
- Hettie du Toit ☎0722796766 is in Vaalpark hospitaal opgeneem.
- Toekie van Wyk ☎0797766550 gaan Vrydag vir 'n laser-oogoperasie in haar regteroog om die drukking daarin te verminder.
- Gebedsversoek vanaf Naina (Madagaskar): "We are facing water shortage in Madagascar, especially Antananarivo, Fianarantsoa and Diego. The rivers and dams have dried up, the rice fields are dry! We (at home) had running water on Christmas day and since then there is nog water at all! We thank God that we have friends staying 500m away from us who has a well, so we go there to fetch water. It is really a dramatic problem for the whole country. In the South they have floods! We have to recycle water. After doing our washing or taking a shower, we use

that water for the toilet. It is really that bad! We need lots of prayers."

Laat weet asb. die kerkkantoor van siektes, swaarkry en vreugdes.

VERJAARSDAE:HARTLIK GELUK!

22/01	Daan Smit	☎0835896185
22/01	William Wepener	☎0713610595
23/01	Charles Strydom	☎0729522642
24/01	Johannie Swanepoel	☎0829282508
24/01	Henriëtte vd Kevie	☎0723802034
25/01	Alta Pretorius	☎0834586306
25/01	Hans Suurd	☎0835645071
25/01	Babs van der Walt	☎0836378578
25/01	Koos van Deventer	☎0823585599
26/01	Hendri Pelser	☎0846435610
26/01	Petroné vd Merwe	☎0729414308
27/01	Peter Baker	☎0828596581
27/01	Jenny Pieters	☎0832582314
27/01	Dirk Venter	☎0169321787
27/01	Amari Weber	☎0828731657
28/01	Danie Potgieter	☎0837357144
28/01	Gerhard Retief	☎0824714999

SPEZIALE VERJAARSDAE

25 Jan. Babs vd Walt, 87 jaar.

HUWELIKSHERDENKINGS

23 Jan.	Gert en Emmerencia vd Walt ☎0722432691	46 jaar
27 Jan.	Jan en Ina Swanepoel ☎0823746391	44 jaar
28 Jan.	Hennie en Rennie Kruger ☎0721243155	50 jaar

SPEZIALE VERJAARSDAE(80 jaar en ouer) en HERDENKINGS(50 jaar plus)

Die gemeente sing Sondae 'nseënbede vir lidmate wat die genade ontvang het om hierdie besonderse mylpale te bereik.

BYBELSTUDIES

Dinsdae om 18:30. Stinkhoutsingel 18.

Dinsdae om 19:00. Carterstraat 16.

Woensdae om 09:15 by die kerkgebou. (*Ons oordink Woensdae die Bybelse studiegids : 'Worstelinge oor die waaroms in die lewe' deur Dr. B.Duvenage.*)

NUWE BYBELSTUDIEGROEP

Enige belangstellendes wat wil aansluit by die Dinsdagaand-bybelstudiegroep kan gerus vir Christa Snyman ☎0798779882.

HUISBESOEKFORMS

Indien jy huisbesoek wil ontvang deur'n ouderling of diaken, **voltooi 'n huisbesoekversoekbriefie wat by die deure beskikbaar is** en plaas dit in die kerkkantoor se rakkie in die saal of **Die Helper** se kassie by die hoofingang.

ATTESTATE/BEWYSE

Word afgekondig.

NUWE LIDMATE

Kom ontmoet gerus die diensouderling na die erediens voor die preekstoel en skryf asb. al jou besonderhede in die boek by die Welkomhoekie in die saal.

VERJAARSDAGTEE

As familie vierons graag almalin Trinitas se verjaarsdae. Die volgende verjaarsdag-tee vind op 12 Februarie plaas.

Groete: Gasvryheid-diensgroep

3 Dienskneg

ORRELBEGELEIDING

09:00–Nannes vd Walt

OUDERLINGE AAN DIENS

Dewald Pieters, André Moolman

DIAKENS AAN DIENS

Dian Smith, Karen Janeke

KOSTER AAN DIENS

Elsa Prinsloo

KOLLEKTES

Onder die erediens vir Diakonale Kas

22/01 – Deputate Jeugsorg

29/01 – Instandhouding van die erediens

DATABORDDIENS

Behartig deur die Tegniese span

GEHOORAPPARATE

Gehoorapparate kan Sondagoggende agter in die kerk onder die trap gekry word. Vra gerus die klankman vir hulp indien u probleme daarmee ondervind.

OPNAMES VAN EREDIENSTE OP CD

Stuur 'n versoek aan die kerkkantoor of aan Hennie Smit ☎0711063978 indien jy 'n opname van 'n preek wil hê.

ONTVANG DIE PREEKTEKS PER E-POS

Stuur op Maandae 'n blanko e-pos na **preek@gktrinitas.co.za**. (Jy moet vir elke preek wat jy wil hê 'n e-pos stuur). Indien die preekteks beskikbaar is, sal die stelsel dit binne 60 sekondes aanstuur. Dis ten volle outomaties en werk 24/7. Kontak Hans van Wyk, ☎0828111990, vir inligting. *(Preektekste sal Sondag na 12:00 op ons webblad beskikbaar wees).*

VANAF DIE FINANSIESPAN

Die span is deeglik bewus dat lidmate seker wil wees dat hulle oorbetalings reg hanteer sal word. Ons kan nou die versekering gee en met u deel hoe die rekeninge saam gegroep word. Alle maandelikse bydraes word in die volgende rekening inbetaal:

Bank: ABSA

Tjekrekeningnommer: **530340449**

Alle gelde vir projekte word in dieselfde rekening inbetaal met verwysing na die projek(hieronder in vet gedruk):

Projekte:

Uitbreidingsfonds: Kerkraad se spesiale spaarplan, 10% van bydraes bo begroting.

Dankbaarheidsfonds: Spesiale aksie in Oktober 2016 tot Desember 2016.

Gasvryheidsfonds: Fondse vir die gasvryheid-diensgroep.

Projektor: Projektor in die kerk en klanktoerusting.

Familieprojek: Plek waar gemeente gemaklik kan sit en gesels.

Groeipyne: Algemene stoorruimte.

Springkasteel: Inkomste uit verhuring.

Chris Buys fonds: Trustgelde waarvan rente gebruik word om leerlinge te help.

Studiebeurs: Trustgelde waarvan die rente gebruik word om eie predikante op te lei.

OKTOBER 2016 DANKOFFER

Ons is baie opgewonde vir dit waarmee die Here in ons midde besig is! Op allerlei terreine het ons as gemeente begin om nuwe dinge aan te pak, maar ook om die nodige grondwerk te doen vir sake wat nog voorlê. Hartlike dank aan elkeen wat 'n finansiële bydrae maak om Trinitas op en uit te bou! *Hoe groot of klein ook al.* Dankie ook aan elkeen wat gehoor gegee

het aan die oproep vir 'n spesiale dankoffer vanaf Oktober tot Desember. Hierdie spesiale Oktober Dankoffer het **R69 339** opgelewer. Die bedrag sal 'n groot verskil maak om die tekorte in die begroting te help ondervang. Nogmaals dankie vir almal se samewerking hierin sodat ons ook die middele kan hê om die unieke geleentheid wat die Here vir Trinitas voorberei het vas te gryp!

MEDEWERKERS (ons het nog medewerkers nodig!)

Dankie vir almal wat reeds hul name opgegee het. Die medewerkerslyste is in die saal by die ouderlinge se kennisgewingbord opgesit. Kontak gerus jou wyksouderling of vir Alan Brotherton ☎️ 0834685243 met enige vrae.

TEESKINK

Vanoggend skink Anne-Marie Snyman se groepie tee. Sondag, 29 Januarie skink Harriet se groepie. Harriet Labuschagne ☎️ 0833047499 is die sameroeper van die diensgroep.

PLEK OM JOU FAMILIE TE DIEN ...

As jy graag Sondae wil help teeskink en nog nie by 'n groep ingeskakel het nie, is jy baie welkom! Skryf asb. jou naam in die saal op die Teeskink-diensgroepplakkaat. Indien jy deel was van 'n groep wat ontbind het, kan jy ook jou naam opskryf. Ons sal jou by 'n nuwe groep indeel. Groete: Teeskink-diensgroep.



JEUGBEDIENING

Beplanning van die eenheid wat behandel word vanaf Sondag 22 Januarie:

Graad 1 – 3

EENHEID 1: JESUS VERTEL STORIES

- Les 1: Verlore en weer gevind
- Les 2: Die geduldige Pa
- Les 3: Geld wat begrawe is
- Les 4: Die barmhartige Samaritaan

Graad 4 – 6

EENHEID 1: STORIES VAN JESUS

- Les 1: Storie van die arbeiders
- Les 2: Storie van die groot feesmaal
- Les 3: Storie van die saaiër
- Les 4: Die barmhartige Samaritaan

Graad 7 – 9

EENHEID 1: WONDERWERKE VAN JESUS

God speel die hoofrol

- Les 1: Lewende Lyk
- Les 2: Die Groot Ding
- Les 3: Die Belangrikste Een

Jy speel ook 'n rol

- Les 4: Glo dit of nie
- Les 5: Wil jy dit hê?
- Les 6: Sê dit soos dit is

Graad 10 (Heidelbergse Kategismus)

Les 2-4: Sonde

Alle jeugleiers gaan so ver moontlik volgens die beplanning werk, maar indien daar ander reëlins is, sal dit aan die jeug in die betrokke grade deurgegee word. U as ouer word versoek om aktief betrokke te wees by u kind se opdragte en die temas kan ook gebruik word tydens gesinsbybelstudie. Die graad 11 jeug het 'n volledig uitgewerkte lesrooster, maar dit word nie geplaas in die nuusbrieff nie, aangesien hulle ook mag afwyk. Dit sal wel goed gekommunikeer word op hulle WhatsApp groepe. Vanaf 2016 was die graad 12 jeug ook deur Griffel gelei op

hulle pad na Christelike groei. Aan alle graad 12's: Bly asseblief deel van die groep! Inligting sal deurgegee word sodra dit gefinaliseer is.

Neem kennis dat jeugleingroepe vir Graad 7 – 12 Sondae om 16:30 sal plaasvind. Dit gee ons jeugleiers genoeg kans om behoorlik deur die lesse te werk en ook nog betyds te wees vir die aand diens.

Jeugleiers vir 2017:

Graad	Jeugleier
Kinderkerk	Petra Tromp
Graad 1	Dalinda Swart
Graad 2	Rachel van Wyk
Graad 3	Nicolette Voges
Graad 4	Alan Brotherton
Graad 5	Louise Venter
Graad 6	Marietjie Greeff
Graad 7	André Moolman
Graad 8	Susan van Rooy
Graad 9	Rochelle Moolman
Graad 10	Pieter van Helden
Belydenisklas	Philip Snyman
Graad 12	Predikant

KINDER-EREDIENSBEGELEIDING

Ons begin hierdie jaar met 'n nuwe program vir 3-7 jariges, terwyl die 8-9 jariges op hulle vlak leiding rondom die preke sal ontvang. Ons is baie opgewonde oor die ouers wat hulle kinders stuur om die begeleiding by te woon! *Ons benodig meer mense om te help!* Enige persoon wat graag hier wil dien, kan na die erediens voor in die kerkgebou met Corrie Botha of Petra Tromp kom gesels. Kontak gerus vir Petra ☎0823316151 met enige verdere vrae.

BELYDENISAFLEGGING VIR 2017

Ons deel graag die volgende inligting rakende die belydenisaflegging vir 2017: Soos reeds gekommunikeer in die nuusbrief en tydens 'n inligtingsessie gaan die proses van belydenisaflegging verander vanaf 2017. Dit is op hierdie stadium belangrik om kennis te neem van die volgende twee punte:

1. Belydenisaflegging is nie gekoppel aan ouderdom of skoolgraad soos vantevore nie, maar aan geloofsrypheid en begeerte met die verstandhouding dat die jong gelowige minimum graad 9 voltooi het.
2. Die jong gelowige kan vanaf graad 9 aansoek doen om in die belydenisgroep opgeneem te word en aan die einde van die daaropvolgende jaar belydenis van geloof aflê.

Dit is baie belangrik dat almal besef dat belydenisaflegging 'n saak tussen die individu en die Here self is en nie bloot 'n proses wat volg uit die aantal jare wat 'n kind by jeugbediening betrokke was nie. Dit is 'n begeerte wat by die betrokke persoon moet wees om sy/haar geloof te bely voor God en die gemeente. Kontak André Moolman ☎0828592186 of Corrie Botha ☎0833047680 met enige navrae. DNA Groete



DIE HELPER is 'ndiens wat praktiese hulp met klein takies in en om die huis bied vir lidmate wat nie self daarmee kan regkom nie. Dit is tipies bedoel vir verswakte of bejaarde lidmate, envir enkellopende dames. Neem gerus die vrymoedigheid om gebruik te maak van **Die Helper**. Los 'n briefie in die houtkis in die voorportaal of

kontak Jan van der Westhuizen
☎️0844890144.

DR. FRANS MINNIE

Dr. Frans Minnie (pastorale berader) is op **Maandae** beskikbaar by die kerk **slegs vir lidmate van Gereformeerde gemeentes**. Kontak die Kerkkantoor vir afsprake. Donasies kan inbetaal word by: FNB Tjekrekening No: 621 843 512 04, Takkode: 250-945.

PROJEK – GROEIPYNE

Trinitas-familie het 'n wonderlike probleem! Vanweë groeiende gebruik van die fasiliteite op die terrein benodig ons ekstra stoorplek sodat ons die bestaande lokale doeltreffend kan gebruik. As spesiale projek wil ons 'n skeepsvraghouer (*container*) aankoop. Die koste beloop ongeveer R25 000. Enige bydraes hiervoor kan gemaak word in ons rekening. Merk dit as 'Groeipyne'.

VERSPREIDING VAN KLERE

Kontak Jan vd Westhuizen ☎️0844890144 indien u wil help met die verspreiding van klere wat die diakonie ontvang.

KRUIDENIERSWARE BENODIG

Indien jy 'n bydrae wil maak, kan jy volgens die onderstaande lys aankoop (**plaas skenkings in groot houer in die saal naby die kombuis**): Suiker, pasta, bullybeef, koffie, tee, soja maaltjies, grondboontjebotter, Pilchards vis, konfyt, melkpoeier, sout, bakedbeans, tamatie- en uiesmoor, pakkies sop, rys, blikkies gemengde groente, koekie Sunlight seep, toiletseep, toiletpapier, sjampoe, tandepasta, tandeborsels en waslappe. Baie dankie.

Jolani Lourens ☎️0823359586.

FOTOPROJEK: TV-SKERM BENODIG

Die Toekomspan is tans besig met 'n inligtingstonbank vir die saal. 'n TV-skerm word benodig om gemeentelinligting, asook die ou gemeentefoto's vertoon (deel van die Fotoprojek). Enige skenkings sal waardeer word. Die koste beloop R4 000 vir 40"LED TV skerm, met USB en HDMI poorte. Kontak Hardus Visser ☎️0828215642.

HERWINNING

Die Here stuur ons om sy skepping op te pas om Hom ook so vir die wêreld wys. Kom laai gerus jou sak herwinbare materiaal by die herwinningsarea af, weksdae tydens kantoorure en Sondag voor en na ons eredienste. Daar is 'n werker wat dit sal sorteer. Moedig gerus ook jou vriende aan om hulle herwinning na ons toe te bring en nie saam met hulle weeklikse vullis uit te sit nie. Kontak Maureen van Helden ☎️0823922093 vir die volledige lys met herwinbare items.

4 Gestuur

EVANGELISASIE – KONINGSKINDERS

Philip Snyman ☎️0834681035,
Anne-Marie Snyman ☎️0798756743 of
Christa Snyman ☎️0798779882.

ONDERSTEUNING VIR MADAGASKAR

Kontak: Gert Visser ☎️0834491036
Bydraes: Aksie Uitreik, ABSA, rek no.
9055971748



Kontakpersoon:
Hardus Visser
☎0828215642

LOTUSLANDERS BYEENKOMS

Die eerste Lotuslanders byeenkoms vind op 21 Februarie plaas (nie op 14 Februarie nie). Teken solank die datum aan, meer besonderhede volg later. Koos en Babsie Jacobs ☎0836505227.



GKSA NUUS

OP DIE KENNISGEWINGBORD

- Geopende Deure
- GK Jeugkantoor nuus
- Cross Courier: GKSA tydskrif (Engels)
- Sustersaamtrek 2017
- Doppe-dagboek te koop by Admin.
- FEBA Radio
- Die Saaier
- Wweskamp 2017
- Hoërskool Vanderbijlpark, Projek LIA

Besoek GK Trinitas se facebook-blad weekliks vir preekopsommings, GKSA nuus en afkondigings.

KRUISPAD

Kruispad is die jeugtydskrif van die GKSA (www.kruispad.net). Stuur 'n e-pos aan kantoor@kruispad.net indien jy wil inteken of 'n artikel wil skryf.

SUSTERSAAMTREK 2017

Die Sustersaamtrek vir 2017 vind plaas op **4 Maart 2017 om 07:30 vir 08:00 by NWU Vaaldriehoek lapa.**

Spreker: Dr. Griffel van Wyk

Tema: Die vreugde van 'n lewende geloof

Koste: R120/persoon

RSVP: Voor 6 Februarie 2017

Kontakpersoon: Bianca Hechter,
☎0832362454.

(Skryf jou naam by geel aansteekbord in die saal op die lys indien jy wil bywoon.)

KLEIN ADVERTENSIES

- Indien jy werk benodig of wil aanbied, kan jy dit deurgee aan die kerkkantoor vir plasing in die nuusbrieff.
- Laerskool, graad 8 en graad 9 Wiskunde klasse. R150 per uur. Elizma Powell ☎0792904140.
- Theuns Odendaal ☎0832561387 verkoop hoenders, lam-, skaap-, bees- en varkveis. Kontak hom gerus vir pryse.
- Woonstel in Potchefstroom te huur. Kontak Matilda Erasmus ☎0723931692.

TRINITAS-BOEK-HOEK

Franciska vd Merwe ☎0827818032.

BYBELS EN PSALMBOEKE

Maak gerus gebruik van die Bybels en Psalmboeke in die voorportaal.

INLIGTING VIR DIE NUUSBRIEF

Alle artikels vir die nuusbrieff moet asb. voor Donderdae 12:00 by die kerkkantoor wees, sodat finale wysiging en taalversorging kan plaasvind voordat dit Vrydagoggend afgerol word.

KONTAK ONS

www.gktrinitas.co.za



Kerkkantoor: Elsabé Muller

☎0169825017 / 0724874258

kantoor@gktrinitas.co.za

Faks no.: 086 219 5728

Skriba: Gerrit van Wyk 0823328550

Koster: Elsa Prinsloo 0794778699

Orrelis: Nannes v.d. Walt 0833041841

